

**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetii, 1706

Litterarum Testimonialium approbationis in concursu Formula XVI.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

2. Hi autem, qui non sunt impediti, si sunt intra centum milliaria, tenentur accedere etiam in quarto gradu conjuncti: Cæteri verò Itali ultra centum milliaria distantes, sicuti etiam Hispani, & Portugallenses, non nisi in secundo: Galli autem, Germani, & Poloni ab accessu dispensantur, ut docet Datariæ praxis,

Testimonialis superviventia.

FORMULA XV.

SUMMARIUM.

1 Quando exigitur Testimonialis superviventia.

N. Episcopus N. sive Vicarius Generalis N.

Universis fidem indubiam facimus, & testamur per præsentes, N. bona, & firma valetudine præditum, sanum, & incolumem vivere, ut ex ejus aspeetu, & colloquio hodiè in hac Civitate secum habito dignoscere potuimus, & sic publicè ab omnibus reputari perceperimus. Ideò ad ejus instantiam has testimoniales litteras nostra manu subscriptas, & sigillo munitas expediri jussimus. Datum &c.

N. Episcopus, sive Vicarius Generalis N.

Loco Sigilli,

N. Cancellarius Episcopalis.

ADNOTATIO.

1. **H**æc testimonialis requiritur pro absente ab Urbe, qui officio vacabilia illic possidet, & fructus illorum exigere, vel alienationem in absentia facere intendit; ac etiam aliquando in resignationibus Beneficiorum, aliisque similibus causis.

Testimonialium approbationis in concurfu.

FORMULA XVI.

SUMMARIUM.

1 Testimoniales concursus debent conti-

nere nomina omnium approbatorum.

2 Praeeldio concurrentium approbatorum potest explicari ab Episcopo post concursum loco, & tempore diverso.

Examinatorum relatio debet fieri coram Episcopo collegiativè, ibid.

3 Episcopus suspensus à jurisdictione, non potest præeligere dignitatem in concursu, quamvis jus conferendi Beneficia retineret, sed jus ad Vicarium Apostolicum devolvitur.

4 Collatio Parochialis, in mense Pape vacata dicitur voluntaria, quia Papa consert cui vult ex approbatis.

N. Dei, & Apostolicæ Sedis gratia Episcopus N.

Illustrissimo, & Reverendissimo Domino Santissimi D.N. CLEMENTIS XI. Papæ Datario, ac quibuscumque aliis præsentes testimoniales litteras inspecturis significamus, quod vacante de mense N. proximè præterito Parochiali Ecclesia sub invocatione S. N. loci N. hujus nostræ Dioecesis per obitum.

obitum N. extrà Rom. Curiam defuncti, fuisse per Curiam nostram mediantibus edictalibus litteris juxta formam, & præscriptum Sac. Concil. Trid. & Constitutionem fel. record. Pii Papæ V. vocatos omnes de sic vacante Ecclesia pro videri cupientes, & cum in termino prefixo plures comparuissent, tandem iisdem oppositoribus votatis sub die . . . præsentis mensis coram Nobis rigoroso prævio examine per tres Examinatores in Diœcesanâ Synodo Deputatos, factam fuisse experientiam de doctrina, moribus, & ætate singulorum descriptorum, ac demum servatis de jure servandis, præfatos tres Examinatores ex prædictis oppositoribus approbatos ad obtinendam dictam Ecclesiam Parochiale denunciarunt Rev. N. Sacerdotem loci N. Rev. N. loci N. & Rev. N. I. V. D. loci N. Nos autem successivè post dictum examen, & relationem, magis idoneum judicavimus Rev. N. & pro obtinenda dicta Ecclesia eumdem dignorem eligimus. Et uti talem Sedi Apostolice remittimus, ut gratiam faciat. In quanto &c. Datum &c.

N. Episcopus N.

Loco  Sigilli.

N. Cancellarius Episcopalis.

ADNOTATIONES.

1. APPROPRIATOS. Non sufficit, quod Episcopus in litteris testimonialibus concursus gesti, Datario dignorem referat, sed debet exprimere, prout expressum fuit in formula, quot fuerint ex concurrentibus approbat, & quem ipse digniorerit faciat, quia non semper Ecclesia confert præelecto ab Episcopo, sed aliquando etiam alteri ex approbatis, prout Papæ magis placet, & declaravit *Sat. Congr. Concilii apud Corrad. præz. Benef. lib. 3. cap. 3. n. 5. vers. Unde in proposito. Verum hodié nova praxis obtinuit, quod sola præelectione magis digni, absque aliorum concurrentium approbatorum expressione (quæ tantum in casu, quo ab irrationabili iudicio Episcopi appellatur, esset necessaria) provisio concedatur.*

2. ET RELATIONE. Non est necesse, quod præelectio Episcopi fiat in ipso actu concursus coram Examinatoribus, sed satis est, quod explicetur etiam postea loco, & tempore diverso, ut docet Card. de Luc. de Paroch. disc. 1. n. 20. Relatio autem Examinatorum super idoneitate, &

approbatione oppositorum, debet fieri coram Episcopo, vel eccl. absente cor. Vicario Generali ab omnibus collegiativè illicet peracto examine antequam dissolvatur congressus, Card. de Luc. d. disc. 1. de Paroch. num. 21.

3. DIGNIOREM ELIGIMUS. Si Episcopus reperiretur suspensus à jurisdicione, & haberet præservatum jus conferendi Beneficia, non possit ex approbatis in concursu Parochialis dignorem præeliger, sed hoc jus pertineret ad Vicarium Apostolicum, ut præter Decreta, quæ referuntur à Fagnani. in cap. Illa ne Sede vac. num. 30. & seq. & à Nicol. in flosc. verb. Concursus num. 2. nuper declaravit *Sat. Congr. Concil. in Sorana 12. Decembris 1699.*

4. UT GRATIAM FACIAT. Quia respectu Papæ dicitur voluntaria collatio, nam confert liberè cui vult, dummodo ille cui confert, sit ex approbatis; Et sic conferre magis unius, quam alterius est voluntarium, & gratiosum, cum qui dat id, ad quod non tenetur, liberalitatem exercere videatur, Gonzal. ad regul. 8. Cancellar. §. 1. proœm. numer. 40. cum tribus seqq. Quam-

H 4 quam-

quam etiam Papa de rigore teneatur digniori conferre , ne lœdatur iustitia distributiva , & de facto confert , quoties provisio sit de Parochiali , prævio concursu habitu coram Ordinario in mense reservato , servata forma Concilii .

Testimonialis pro aggregatione
Confraternitatis .

F O R M U L A X V I I .
S U M M A R I U M .

¹ Confraternitates aggregatæ Archiconfraternitatibus Urbis non gaudent privilegiis aggregantibus, sed indulgentiis .

N. Dei , & Apostolice Sedis gratia Episcopus N.

UNIVERSIS , & singulis per præsentes testamur in Ecclesia N. hujus CIVITATIS (vel loci N. Diccessis) reperiri legitimè erectam Confraternitatem Laiorum sub titulo . . . quæ in visitandis Carceratis , & distribuendis illis , aliisque pauperibus infirmis eleemosynis , & aliis pietatis operibus cum usu sacerdotum coloris . . . se exercet . Cupientesque iudem Confratres indulgentiarum , gratiarum spiritualium , aliorumque Theaurorum Cœlestium fieri particeps , & proinde aggregari Ven. Archiconfraternitati N. Almae Urbis : Idcirco cum in dicta Confraternitate à Nobis pluries visitata , institutum , pietas , & Christianæ charitatis officia plurimùm vigeant , non solum nostrum assensum damus , sed Eminentissimo , & Reverendissimo D. Cardinali Protectori , & omnibus DD. Deputatis diœtæ Ven. Archiconfraternitatis N. (si aggregatio sit facienda à Regularibus , dicatur -- Reverendissimo P. N. totius Ordinis N. Generali) enixè in Domino eamdem Confraternitatem commendamus . In quorum &c.

N. Episcopus N.

Loco ✠ Sigilli .

N. Cancellarius Episcopalis .

A D N O T A T I O .

¹ **T**HESAUORUM COELESTIUM FIERI PARTICIPES . Hæc clausula ponitur ad demonstrandum , & indicandum , quod Confraternitas aggregata non gaudet privilegiis aggregantibus , sed tantum de indulgentiis , & gratiis spiritualibus fit particeps , ut respondit Sac. Congreg. Episc. & Regul. in una Brugnaten. 23. Novembris 1691. referente Cardinali Millino .

Testimonialis de absolutione
data publicè excommunicato .

F O R M U L A X V I I I .
S U M M A R I V M .

¹ Qui fuit publicè excommunicatus , non præsumitur absolutus , nisi appareat de absolutione .

EGO N. Confessarius Deputatus ab Illuſtrissimo , & Reverendissimo N. Episcopo N. vigore litterarum Sacrae Penitentiariae fidem facio , qualiter audivi